

Fra: [MachForm](#)
Til: Studieutvalget@jurfa.uib.no
Emne: Emneevaluering av spesiallemner [#27]
Dato: mandag 26. september 2022 18:53:26

Emneansvarlig	Bjørnar Borvik
E-post	bjornar.borvik@uib.no
Dette emnet har mer enn én emneansvarlig	- Ja
Emneansvarlig	Jon Petter Rui
Kurset/emnet som evalueres her ble avholdt	Vår 2022
Evalueringen gjelder dette kurset/emnet:	JUS276-2-B European Human Rights

Har det blitt gjort endringer i kurset siden forrige gang det ble avholdt? Hvis ja: hvilke?
Nei.

Kursets struktur

Undervisninga i kurset skjer i form av forelesingar. Sidan det normalt er mellom 25 og 30 studentar som møter opp til forelesingane, forsøker vi å få til dialog med studentane. Vi lukkast med dette i litt varierende grad, og dette skuldast at undervisningsspråket er engelsk, og at engelsk for dei fleste studentane er andrespråk. Våren 2022 var undervisningssituasjonen svært krevjande fordi det var eit UiB-krav om at all undervisning også skulle vere tilgjengeleg digitalt. For dette kurset fekk det som konsekvens at det ofte berre var 3-5 studentar som møtte til forelesingane, medan dei øvrige fulgte forelesingane digitalt. Dei elementa i læringsutbyttebeskrivelsen som gjeld "interpretation", "applying", og "make accurate, independent and critical analyses" vart difor dårleg ivaretekne i emnet våren 2022.

Digitale elementer i kursgjennomføringen

Alle forelesingane vart gjort tilgjengeleg digitalt. Det fungerte svært dårleg, sidan konsekvensen var at berre nokre få studentar fulgte forelesingane fysisk. UiB-kravet om digital undervisning var øydeleggjande for læringsmiljøet i kurset. Det er ikkje gjort forsøk med andre digitale element i dette kurset.

Litteratur

Det er rik tilgang på litteratur som er relevant for læringsmåla i kurset. I tilrådd litteratur for kurset som vart gjennomført våren 2022, tok vi også inn nyare artiklar om aktuelle tema som EMK og klima, og covid-19/pandemi, i tillegg til artiklar som belyste aktuelle metodiske spørsmål (subsidiaritet, process-based review, skjønnsmargin). Vi har også valgt å ta inn som ein del av den tilrådde litteraturen sentrale dommar frå EMD om dei artiklane i EMK som blir behandla nærmare i løpet av kurset.

Studentenes arbeidsuke er normert til 40 timer i uka iht sentralt regelverk. I lys av dette: hvordan vurderer du arbeidsbelastningen i kurset ditt?

Det er rundt 20 dobbelttimar med forelesingar i dette kurset, og den tilrådde litteraturen er nokså omfattande. Med tanke på at dette er eit 20-poengs emne, og studentane berre treng å gjennomføre eit 10-poengs emne i tillegg for å få full semesterbelastning, er arbeidsbelastninga i dette kurset passande. Sidan det ikkje er undervisning i tillegg til forelesingane, må det vere enkelt å kombinere dette kurset med andre kurs som det blir undervist i om våren.

Forelesninger

Vi meiner at forelesingane er eigna til å påpeike større/meir overordna samanhengar i stoffet som ikkje utan vidare er lett tilgjengelege ved lesing av pensumlitteraturen, som er veldig orientert mot rettspraksis frå EMD. I forelesingane går vi også djupare inn i enkeltdommar enn det som er tilfellet med pensumlitteraturen. Forelesingane gjev også høve til å kommentere nyare dommar (som er komne til etter at læreboka vart publisert), og til å kritisere enkeltavgjerder eller utviklingstrekk. Det skjer i begrensa grad i pensumlitteraturen. Det blir ikkje publisert opptak av forelesingane. Dei er berre tilgjengelege i sanntid. Som allereie nemnt ovanfor, var det jamnt over svært få studentar som møtte opp til forelesingane. Dei fleste fulgte forelesingane digitalt. Dette var svært negativt for læringsmiljøet.

Gruppemøter

Studentane blir ikkje delt inn i grupper i dette kurset. Vi har ikkje kunnskap om studentane organiserer kollokviégrupper på eiga hand.

Skriftlige oppgaver

Det er ikkje tilbud om skriftlege oppgaver i dette kurset.

Obligatorisk oppgave

Det er ikkje tilbud om obligatorisk oppgave i dette kurset.

Eksamensoppgave og sensorveiledning

Det var dei to kursansvarlege som utarbeidde eksamensoppgåva. Det vart gitt ei teorioppgåve. Vi har

ikkje fått tilbakemelding om at sensorrettleiinga var utilfredsstillande. Jon Petter Rui deltok i eksamenssensuren.

Sensorkorpset

Sensorkorpset er nokså fast, og det har difor ikkje vore behov for å rekruttere nye sensorar. Våren 2022 deltok Jon Petter Rui i sensuren, noko som innebar at den eksterne sensoren fekk tett oppfølging. Elles skjer oppfølginga av sensorane først og fremst gjennom sensorrettleiinga som blir utarbeidd til eksamen.

Karakterfordeling, strykprosent og frafall

Våren 2022 var 35 oppmeldte til eksamen. 24 møtte til eksamen og 23 fekk bestått karakter. Ein student fekk karakteren F. Fordelinga var slik:

A: 1, B: 3, C: 9, D: 9 og E: 1

I perioden 2018-2022 har det vore 205 oppmeldte til eksamen. 173 har møtt til eksamen og 168 har fått bestått karakter. Fordelinga i femårsperioden har vore slik:

A: 14, B: 38, C: 68, D: 40 og E: 8. Tilsaman 4 studentar har fått karakteren F i denne femårsperioden.

Klagesensur og eventuelle kontrollkommisjoner

Det kom ingen klager på karaktervedtak våren 2022.

Det kom ein klage våren 2021 på ein F, men med uendra resultat etter klagebehandling.

Det har ikkje vore kontrollkommisjonar.

Andre elementer knyttet til eksamen som bør påpekes

Nei.

Årets digitale tilbakemelding fra studentene

Så vidt eg er kjent med, har det ikkje kome tilbakemeldingar frå studentane som tilseier at kurset bør justerast.

Internasjonalisering

All undervisning i emnet skjer på engelsk, og alle litteratur er på engelsk.

Vi har ved fleire høve hatt gjesteforelesarar i kurset som har kome til fakultetet på Erasmus-midlar. På grunn av pandemien fann vi det vanskeleg å planlegge for noko slikt våren 2022. For våren 2023 er vi i prosess med å invitere ein gjesteforelesar frå Litauen som kjem til fakultetet på Erasmus-midlar.

Samlet vurdering av kurset, og ev. forslag til tiltak for neste års kurs

Vi har i samråd med undervisningsdekanen starta ein prosess med sikte på å dele dette kurset opp i to 10-poengs kurs for å sikre ei betre innpassing i den nye studieordninga. Om dette skjer allereie frå våren 2023, eller først våren 2024, er ikkje endeleg avklart. Endringane går i korte trekk ut på at det eine kurset vil ha innreisande studentar som målgruppe (fullt overlapp med Rettsstaten-kurset i ny studieordning), mens det andre kurset også kan takast av studentane som har teke Rettsstaten-emnet. Det andre kurset vil også kunne takast av dei innreisande studentane som har teke det første kurset, og dei vil difor kunne ta tilsaman 20 studiepoeng i europeiske menneskerettar som no, men det skjer i form av to kurs. Begge kurs vil vere på bachelor-nivå.

Lokaler og undervisningsutstyr

Ikkje noko å bemerke.

Andre forhold som bør kommenteres

Nei.